

## A L'OUSTAU PEIRENAU

Oustau que de si man moun paire bastiguè,  
Que de fes ma pensado envers tu s'es bandido !  
Aqui se desgrunè lon printèms de ma vido,  
Aqui, nous benissènt, la maire mouriguè...

La court ounte en jougant l'ase m'espandiguè ;  
L'estable estaragnous di grùpi desgrepido ;  
Revese toun pourtau de plancho à mie pourrido  
Qu'un gros cop de Levant un jour desmouliguè.

Umble pichot oustau dòu camin de Bèu-Caire,  
Autant bèn qu'un palais nous as rejoun, pecaire !  
E nous as assousta di plueio emai di vènt.

Lou tèms qu'emporto tout dins de liunchour neblouso  
Me fara pas óublida ti muraio gibouso  
Ounte se soun bressa mi pantai de jouvènt !

LAFORET.  
(Li Ferigoulo Sant-Gilenco.)